

396- حالات وأحوال: التجمد انسحاقاً من الظلم والإهانة

(مع سيكودراما تفرغية محدودة)

.... هو رجل في الثانية والثلاثين من عمره، من الصعيد، حاصل على بكالوريوس سياحة وفنادق، أعزب، يعمل مدرسا بعقد، سوف نسميه **حمدي**، توقف عن العمل مؤخرًا، جاء مع أخيه (27 سنة مدرس لغة عربية) كانت شكواه تلقائيا:

"... أنا مضيق شويه، التعب زاد عندي بقاله سنه، قبل كده كنت تعبّان من ساعة ما ضربوني في القسم ورحلوني على بلدنا من حوالي 7 سنين. غيرت كذا شغلانه عشان مفيش شغلانه مناسباني،.... الناس في الشارع بتبص لي بضه غريبة....، ويمكن يتوشوشوا عليّ، كنت باسمع صوت راجل من غير ما شوفه يقول لي كلام غريب مش بافهمه، يكلمني عن ست بتوشوش....

نلاحظ هنا: أنه ذكر حادث الضرب في القسم بشكل عابر هادئ، مختصر: أربعة ألفاظ وحرقي جر: "**ضربوني في القسم، ورحلوني على بلدنا**"...، نقارن ذلك بحكي أخيه الأصغر، وبما حدث من حوار لاحق كانت رواية أخيه (المرافق) كالتالي:

"حمدي أخويا تعبّان من حوالي سبع سنين، في الجيش حصلت له مشاكل وضربوه وحبسوه مش عارفين ليه،... .. يقعد زي الناج، تنده له ميردش عليك،...، ولا حتى يكلم حد من زمائله، حتى كلامه في البيت...، يدوبك يرد على أد السؤال.

"...بدا تعبّه لما كان قاعد مع عمال التراحيل مستنى شغل، البوليس أخده تحرى والضباط هناك ضربوه وبهدلوه جامد واترحل على بلدنا، والحكاية دي تعبته جامد وفضلت مآثرة فيه لغاية دلوقت، بقى يقعد قاعدة واحدة كذا ساعة مايتحركش، وجسمه يبقى مخشب، قعد 4 شهور مجاهم مايتكلمش ولا كلمة، منهم 4 أيام كان ناج فيهم على طول يادوبك يصحى يخش الحمام ويرجع ينام تاني، ولا ياكل ولا يشرب،... خذ علاج لكن ما تحسنش إلا لما خد جلسات كهرباء،.... ميدورش على شغل ولا يسأل على مستقبله ولا يفكر في جواز ولا حاجة، كلامه ماعدش فيه هزار ولا ضحك زي زمان، ماينزلش يروح لحد من قرايبنا ولا يتفصح ولا يتكلم معانا في أمور البيت. بعد سنه

رجع تاني للسكوت، واتحسن بالجلسات، والحكاية دى كانت ترد عليه مرتين ثلاثة كل سنة، أحيانا يقولنا إنه بيسمع أصوات تكلمه فى ودانه، فى الفترة الأخيرة بقى ياخذ العلاج، لكن مش بانتظام.

هذه الشكوى من الأخ أوضحت:

- (1) لم يحكم حمدى تفاصيل الإهانات فى "الجيش"
- (2) حكى الأخ عن إهانة قسم البوليس أكثر نسبيا مما ذكر المريض
- (3) أعراض المرض تراوحت بين الانسحاب، والاكتئاب حتى التجمد (الكاتاتونيا)، و الهلوسة السمعية وإرهاصات التفسخ
- (4) مسار المرض "متفتر": أى يتحسن، جزئيا، بعلاجات متنوعة، ثم ينتكس، ثم يسوء، وهكذا
- ثم إن أم حمدى كانت تصاب أحيانا بنوبات اكتئاب، تزول بالعلاج، حتى انقطعت وشفيت تماما،
- الوالد "بنّا"، رجل طيب، اجتماعى، راع لأسرته، متدين، ويشرب البيرة أحيانا مع أصدقائه، توفى من عشر سنوات وعمره 55 عاما، (كان حمدى فى الثانية والعشرين)
- الأم - برغم مرضها أو بسببه - حنون مطيعة قريبة لأولادها.

لحمدى أخوان: أخ أكبر، وأخ أصغر (المرافق) وأخت، والجميع تعلموا وحصلوا على دبلومات أو بكالوريوس، والعلاقة بينهم طيبة.

التاريخ الدراسى للمريض يشير إلى تفوق فى الابتدائى والإعدادى، ثم هبوط مفاجئ فى الثانوية العامة (54%) ، ثم معهد أربع سنوات، لم يرسب فيها.

أما عن الشخصية قبل المرض فقد كان انطوائيا، خجولا، بلا علاقات تقريبا، "كان يفضل فى الفسحة قاعد لوحده فى الفصل ماينزلش يلعب مع زميله"

عمل فى أعمال متعددة، فى تخصصه، وغير تخصصه، أعمال يدوية (مثل السباكة..)، يعمل الآن "مدرسا" بعقد مؤقت، يصف أخوه عمله الخالى: "يُخش المدرسة مايسألش على حد ولا حتى على الناظر، يقعد فى الفصل مايتكلمش خالص لغاية ما خلوه يقعد فى حصص الألعاب، يفضل قاعد على الكرسي مايعملش حاجة، كان يروح المدرسة مايعيش حتى."

ولم يمكن أخذ معلومات كافية عن التاريخ الجنسى، أو العاطفى لا من حمدى، ولا من المرافق (الأخ)، وقد أظهر فحص الحالة الراهنة تماسك قواه المعرفية (التفكير-الذاكرة.. إلخ)، وغلبة الاكتئاب على مزاجه، بالإضافة إلى الهلوس (السمعية)، واحتفاظه بدرجة من البصيرة.

مقتطفات من المقابلة (بعد أخذ الموافقة على التسجيل للعلم) مع:

د. يحيى: (للمريض) د. "ك" (...الطبيب: الزميل مقدّم الحالة) حكى لنا الحكاية من سبع سنين: الجيش وظروف العمل والوالد والعائلة، بس دى معلومات مش كافية يا حمدى، تحب إنك تضيف حاجة؟، توضح أى حاجة؟

حمدى: زى إيه مثلاً؟

د. يحيى: أى حاجة، أى شىء تتصور إنه يفيدك ويفيدنا، مثلاً تاريخك العائلى، الدكتور كتب فيه 3 سطور، حادث الإهانة سطرين. ينفع كده؟ تحب تضيف حاجة؟

حمدى: -

د. يحيى:

(فترة صمت، ثم):

حمدى: الحادثة تركت أثراً فى نفسى، يعنى الزعل

د. يحيى: الزعل يعمل كده؟ دى الحكاية وصلت لدرجة كبيرة قوى: خبطة شديدة أو فركشة.. زى ما انت شايف

حمدى: صحيح

د. يحيى: هوا إيه الفرق يا حمدى بين اللخطة، والفركشة؟

حمدى: لخبطة يعمل حاجات مفروض ما تتعملش، الفركشة ما فيش نظام أو فهم.

د. يحيى: ياه !! بصراحة صح، يا خيراً!! دا الخته دى ما كانتشى واضحة عندى قوى كده، كثر خيرك، ممكن تحكى اللى حصل بالتفصيل؟

.....

حمدى: من أول ما أخذونى فى البوكس بدون سبب؟

د. يحيى: أيوه: إنت كنت قاعد مع العمال بتوع التراجيل، مش كده؟ كنت قاعد فين؟

حمدى: قاعدين فى السجن

د. يحيى: قبل ما ياخذوك السجن، كنت قاعد مستنى الشغل فين؟

حمدى: فى المعادى

د. يحيى: فين

حمدى: ميدان العرب

.....
.....

د. يحيى: إنت مدرس، مش كده ! إيه بقى إالى وداك مع عمال التراحيل ميدان العرب؟

حمدى: قبل ما ابقى مدرس، ...أكل عيش.

د. يحيى: مرتبك كام

حمدى: باخد 120 جنيها

.....

د. يحيى: نكسى على الحادثة يوم ما كنتم جالسين فى عرب المعادى، كنتم كام واحد؟

حمدى: كثير

د. يحيى: كان إمتى ؟ الصبح؟ الظهر؟ بالليل؟

حمدى: كان داخل علينا الليل

د. يحيى: معقول؟ حد يروح بالليل يستنى شغل، كلهم بيروحووا قبل الشمس

حمدى: إنت عارف إن مافيش شغل، باضطر أجلس لحد بالليل

.....

د. يحيى: حصل إيه؟

حمدى: فجأه وقف البوكس عندنا ونزل منه واحد، وقال لى تعالى إركب

د. يحيى: كان فيه كام واحد فى البوكس مالأول؟

حمدى: حوالى عشرة

د. يحيى: وإنتم كنتم كام؟

حمدى: حوالى اثنين، ...، فيه ناس جزيث.

د. يحيى: حصل إيه بقى؟

حمدى: اللى حصل إننا دخلنا البوكس، لكن قبل ما ادخل حاولت انى أستفسر من الطابط عن إنى متاخذ ليه، هو سافل شوية

د. يحيى: كان معاك بطاقة؟

حمدى: أيوه ، معايا كل الأوراق.

د. يحيى: عرفت إنه سافل إزاي؟

حمدى: كان حامد إيده ، قتلته تهمنى إيه؟ ما عملتش حاجة.

د. يحيى: رده كان إيه؟

حمدی: مد ایده، فحشتها

د. یحییٰ: بعدہا حاصل ایہ؟

حمدي: دخلني السجن، كان فيه حاجات مش كويسة.

د. یحییٰ: قال لهم وضبوہ؟ إضربوہ؟

حمدي: سفله شتيمه وإيدين، إلی حصل جوه السجن صعب، كانت الناس تتبول مكانهم، خد ما رحلوني ما وضحليش ليه ، وبعد كده جاب عربية كبيرة ورحنا قسم الخليفة

د. يحيى: إنت حكيت الثلاث أيام كأنهم ثلاث دقائق

• • • • •

د. محبی: معلش حاسألك سؤال؁ وتجاوب عليه زي ماتيجي

حمدی: سؤال ایہ دہ ؟

د. يحيى: أنت اتكسرت إمتي؟ مع رَفعة الظابط إيده؟ ولا مع دخولك مع الناس دول السجن؟ ولا مع الترحيل؟

حمدی: اِتکسرت اِزای یعنی؟

د. یحییٰ: یعنی اتکسرت.

حمدی : مش فاهم

د. یحییٰ: ما تعهدشی تفسر، انت اتکسرت إمتی؟ هی کده بس!!

حمدی: لحظة ما رفع إيدہ .

د. محیی: هو یعنی ایہ اتکسرت؟

حمدي: يعني كرامتي تتجرح

د. يحيى: هو ده قصدى بالضبط،...! أديك عرفت لوحك،
إنت وصلت للى عايزينه من غير شرح.

• • • • •

.....

(سكودراما خفيفة) (تكملة في نفس المقابلة)

د. يحيى: هو انت يا حمدي لو قابلت الطباط ده دلوقتى،
تعمل ايه ؟

حمدی : دلوقتے؟

د. يحيى: أيوه دلوقتى حالاً لو قابلته بعيد عن القسم، هاتعمل إيه؟

حمدى: الظابط إلی هوه مدّ إیده؟

د. عیسیٰ: آہ. تجب تمثیل إنک قابلتہ وتشوف ہاتقولہ
ابہ ؟ تصور إنه الدکتور "ہ".

حمدی: دکھہ کان لابس مری

د. يحيى: ضباط المباحث يلبسوا ملكي.

حمدی : آیوہ .

د. يحيى: إفرض الظابط اتنقل للمباحث ولبس ملكى وعرفته، واستفردت به "....." بنمثل يعنى.

حمدى (يبدأ فى التمثيل مباشرة ويوجه الكلام للدكتور) هـ
 "... الذى تطوع للتمثيل باعتباره الضابط،):

"أنا حضرتك، أنا موجود هنا له؟"

(تتذكر أن هذا الحادث كان منذ 7 سنوات)

د. يحيى: إحنا مش بنعيد اللي حصل: إحنا عايزين نعرف هاتعمل إيه فيه لو قابلته بالصدفة دلوقتي حالا، والظروف سمحت تأخذ حقه ؟

حمدي: - (للدكتور "هـ...") هو أنت ؟؟؟!!

الدكتور "هـ...": أبوه أنا.

حمدي: عملت انا ايه؟

الدكتور "ه... الخ": جرم لقبته في الشارع

حمدي: هو أي حد بتاخده؟

الدكتور "هـ" : أبوه .

حمدي: طب مش تشوف بطاقته؟

الدكتور "هـ": ... مجرم واقف في الشارع مع ناس، وإيه اللي بوقفك في نص الليل؟

حمدی: مافیش شغل .

الدكتور "هـ": مافيش شغل؟؟ تقف فى نص الليل تدور على شغل!!

حمدي: فيه شغل بالليل آه ، عاجبك ولا مش عاجبك.

الدكتور "هـ": لأ مش عاجبي.

حمدی: خلاص اتفلق.

(الدكتور د. يحيى: إحنّا حَا نعيد السبع سنين كلام تان
وبس، مش هايנفع يا همدى، إنت اتألت بما فيه الكفاية لازم
تأخذ حقك منه دلوقت.)

حمدي للدكتور "هـ": يابن الوسخة بتعمل في كده ليه ؟

(د. یحیی: شوف یا حمدي، دی بديأة کوئسة ، بس شکلها کلام من غير انفعال، عايزينها تطلعها بغيل، تمثل وتندمج زي ما انت حاسسها..)

حمدي للدكتور "هـ": يا ابن الأحمه يا علق

الدكتور "هـ": إنت بتشتمني أنا؟

حمدی: ایوہ ، امال ہاشتم مین.

الدكتور "هـ": والله العظيم لعلمك الأدب

حمدی: تعلم میں؟

(ثم ينفعل حمدي فعلا ويرفع الكرسي ويحاول أن يضرب به
الطابط (الدكتور "ه")

الدكتور "هـ" (لا يخاف ويستمر في التمثيل): إنت رافع الكرسى؟ أنا حاوديك في داهيه انت وأهلك

حمدي: دا أنا اللي هاوديك في داهيه.

الدكتور "هـ": أنت عارف أنت بتضرب مين

حمدی: باضربك انت

.....

الدكتور "هـ": هاحسبك وأوديك في داهيه

حمدى: لا، قبل كده دا انا الى هاوديك فى داهيه،
أقتلك.

(...بعد ذلك عبر حمدي عن مزيد من التحدي وواصل محاولة الهجوم).....

ثم أوقفنا التمثيلة عند هذا الحد

د. يحيى: يا حمدى يا بنى متهياً لى إن الحادثة اللى من
سبع سنين موجودة زى ما هي

حمدی: آہ ... ، لاء .. ، بس بمرور الوقت، وکده ممکن
الواحد... (صمت)

د. یحییٰ: ما حصلش ...!!!

حمدی : ساییبہ اثر یعنی؟

د. یحییٰ: مش سایبہ۔ دی ہی ہی، کین ما مرش علیہا ولا
ثانیۃ

حمدي: بس، بعد کده...

د. یحییٰ: (مقاطعا) بس ایہ؟ ...

حمدی: ہما کدہ

د. یحییٰ: نعم؟ نعم؟

حمدي: هما الشرطة كده .

د. يحيى: احنا فيه حمدى وفيه الواد الضابط ده، ما هو مش كل الضباط برضه يا حمدى، الضابط بتاع البساتين إالى رجعت بلدكو زى ما قلت لڊكتور وهوا قالها لنا شفو، ما هو ابن حلال يا أحمى، مش كده؟...، **حانعمل إيه فى النصبة دى دلوقتى بتاع الضابط الضابط الأولانى؟**

حمدی: أحسن حاجة: مانفتكرهاش.

د. يحيى: يا نهار اسود!! إزاي؟ إذا كانت موجودة بحجمها؟ خدت بالك ما اللي طلع منك: "كان مامرّش ولا ثانية"

حمدی: خلاص نفتکرها بأسلوب تانی؟

د. یحییٰ: اِزای؟

حمدی: اِزای!!!؟ نقول اِنه ماکانش قاصده مثلاً

د. محيي: يا خبر إسود ومنيل، هؤا ده اللى انت قلت عليه ابن الأجه، وابن الوسخة، وعلق، وكنت حاتقلته يبقى: ما كانشى قصده، انت شايف انت بتظلم نفسك ازاي؟

حمدي: هانعمل إيه بَعث؟ "....." همه كده.

د. يحيى: نقوم نقول ماكانش قاصده !!؟ أنا مش عايز اقلّب عليك المواجه، لكن كسرة الكرامة بالشكل ده تجيب مصائب كثيرة.....، إنت كنت بتسمع صوت ست بتوشوشك مش كده؟ إيه علاقة جرح الكرامة، بالست الى بتوشوشك عايزين نربط بين "الخطبة" و"الفركشة" و"الكسرة"، والست دى..مش يمكن الأصوات دى من جوه؟

حمدی: یعنی لو قالوا ست، تبقي بتطلع من جونا ... ؟

د. يحيى: مين اللي قالوا؟

حمدی : مش مصدق

د. يحيى: إيش عرفك؟

حمدي: ست بتطلع!!

د. يحيى: يعني، طيب بتوشوشك بتقولك إيه؟

حمدى: هما الى يقولوا

.....

د. یحییٰ: سمعت امتی الأصوات دی؟ باللیل ولا بالنهار، ولا امتی؟

حمدى: بالليل

د. يحيى: إزاي

حمدى: سمعت طشاش

د. يحيى: عايزين نفسرها الأصوات دى، ونربطها بالجرح والكرامة والإهانة، لو ممكن ولا إيه؟

حمدى: هوه كل ده مترتب على بعضه؟؟!!

د. يحيى: بصراحة أيوه، أنا بافترض يعنى..

حمدى: الواحد تفكيره ملخبط شوية"... نشوف حل تانى

د. يحيى: هو مش كان فيه معاملة فى الجيش برضه فيها إهانة؟

حمدى: نعم

د. يحيى: زى إيه؟

حمدى: دخول السجن

د. يحيى: حصل إيه؟

حمدى: كنت واخذ أجازة 8 أيام، إتاخرت ساعة ونصف

د. يحيى: حصل إيه"....." إهانة برضه؟

حمدى: إهانة طبعاً

د. يحيى: عبارة عن إيه

حمدى: تنظيف المكان إهانات كتير

د. يحيى: إيه هئى

حمدى: التكدير

د. يحيى: يعنى إيه؟

حمدى: تقعد بالشورت بس، ومجيب جردل الميّه ويرميه عليك، وحاجات من دى.

د. يحيى: هوا اللى حصل فى الجيش وبعدين القسم والحبس، له علاقة بسيبانك الشغل باستمرار

حمدى: علاقة؟ طبعاً"!!" واحد طول حياته مستقيم وبيفكر، وكويس وحافظ كرامته، وتيجى حاجة زى كده، بتأثر طبعاً

د. يحيى: لدرجة اللى حصل؟؟؟؟

حمدى: ماعرفشى.

.....

د. يحيى: هوه مين الى بيحبك، يا حمدى؟

حمدى: فى الأسرة يعنى؟

د. يحيى: آه ، الأسرة أوجير الأسرة، بس حب بحق وحقيق؟

(جرى بعد ذلك كلام عن العلاقة العلاجية، وضرورة العودة للعمل تدريجيا، والعقاقير المناسبة وأن الضمان هو أن تكون هذه العلاقة تحت مظلة رحمة من قادر حاضر طول الوقت، الله سبحانه، لضمان استمرار العلاقة، علاقة تفيد أكثر من الكتاب الذى كان المريض ممسكا به ويقول إنه يقرأ فيه وعنوانه "علامات القيامة الصغرى"...) (إخ)

د. يحيى: أنا علشان أكمل معاك لى شروط واضحة

حمدى: موافق.

د. يحيى: العلاقة اللى بينا تبدأ بالشغل، ما تسيبش شغله إلا لما تلاقى شغله غيرها، مفهوم؟ سبت الشغل يوم الثلاثاء تنزل شغل يوم الاربعاء، خليك ناصح، بتجيك أصوات من قعدتك لوحك فى الضلمة، بتطلع من جوه، إالى مايتملش من برّه يتفكك من جوه، نتفق إنك تشتغل حتى مع وجود الأصوات وهى حاتحف، تحتشى تطلع قدام الناس، وبالذواء والاتصال ببعض، وشوية كلام من ده

حمدى (يضحك): هو أنا كده ومش واخد بالى؟ ده شوية قلق بسيط

د. يحيى: يا نهار اسود، كل ده قلق بسيط، الله يخبك، إنت عامل زى الدكائرة لما يحبوا يطعنوا العيانين بالعافية.

حمدى: ما قصدتش ...

..... الخ

التعقيب العام:

أولاً: نبدأ بالتحذير من الربط ربطا سببيا بسيطا بين هذه الإهانة وبين المرض، باعتبارها المسئول الأول والآخر عما أصاب حمدى. إن مثل هذا الاختزال يبدو مغريا، لكنه أقرب إلى الدراما، ولا يفيد العلاج كثيرا.

ثانياً: إن الاستهداف للتفاعل المرضى بهذه الصورة الجسمية، نتيجة مثل هذا الجرح للكرامة، يكون مطروحا بشكل عنيف حين يستمد الشخص أغلب مقومات وجوده من خارجه، وليس بما امتلأ به من لبنات كينونته حتى وعى ذاته بما تستحق. إن تحقيق هذا الامتلاء هو مسؤولية التربية فاجتمع، بكل مستوياتهما: من الأسرة حتى ضمان إقامة العدل فى دوائره الممتدة من المجتمع حتى آخر الدنيا (مع الوضع فى الاعتبار الاستعداد الوراثى بدرجة ضئيلة).

ثالثاً: حتى لو قبلنا زعم مثل المريض "أن كلهم كده"، فإن تواتر الظلم، لا يبرر قبول هذا القبح الإنسانى، ولا التهوين من خطورته.

رابعاً: إن الذى يهين الآخر هكذا، إنما يتنازل هو شخصياً عن إنسانيته وكرامته، مهما بدا غير ذلك.

خامساً: لاحظنا كيف تجمد الزمن، كأن الوقت توقف عند لحظة سحق الكرامة، وربما أمكن الربط بين هذا التجمد، وبين تجمد الجسم (أعراض الكاتاتونيا) التى وصفها الأخ المرافق

سادساً: إنه ليس ضرورياً أن يتناسب التفاعل المرضى، أو الألم الحادث، مع شدة الجرح تناسباً طردياً بسيطاً، من هنا نؤكد على أن نوع استقبال الجروح هو مهم جداً، وهذا يتوقف ضمنياً على تكرار الإهانات السابقة، ظاهراً أو باطناً، و تراكمها حتى دون وعى، كما حاولنا هنا ربط إهانات الجيش بإهانات الحادث

سابعاً: إن الجرح أمام آخرين، هو أخطر كثيراً من الجرح على انفراد.

ثامناً: لا ينبغي التصفيق أكثر من اللازم لما حدث فى المقابلة الإكلينيكية العلاجية، ذلك أن مجرد التفريغ (التذكر والسيكودراما...إخ) ليس هو الحل.

تاسعاً: حتى على فرض أن المهان أتيحت له فرصة انتقام حقيقية، فإن جرح الكرامة الذى يصل إلى جرح الوجود حتى التفسخ، والتجمد هكذا، لا يصلحه إلا بناء إنسان من جديد، وبتخطيط علاجيّ مسؤول، وهذا وارد.

عاشراً: إن الارتباط الواضح بين الفقر (حامل بكالوريوس يجلس بين عمال التراحيل)، والقهر والطوارئ (سلطة البوليس الغشوم) ثم المرض، هو ارتباط هام وله دلالتة القصوى، وبالتالي علينا أن نحول دونه، لكن هذا لا يعفينا من أن نبحث فى أعماق أبعاد المسألة المتشابكة المداخل.

حادى عشر: إن التشخيص الخطير الذى يصف الحالة (لا داعى لذكره، لأن الاسم لا يقدم ولا يؤخر)، لم يمنع التواصل العلاجى كما لاحظنا، وكان منطق المريض وبصيرته من أكثر ما ساعد على إرساء العلاقة العلاجية التى تبينت معالمها فى هذه المقابلة .

* * * *

يكفى هذا الآن .